

# **OKVIRNI SPORAZUM**

## za nabavku goriva za službena motorna vozila Ustavnog suda Bosne i Hercegovine

Zaključen između:

**1. USTAVNI SUD BOSNE I HERCEGOVINE**, ul. Reisa Džemaludina Čauševića broj 6/III Sarajevo, koga zastupa Zlatko M. Knežević, predsjednik Ustavnog suda Bosne i Hercegovine (u daljem tekstu: Naručilac),

i

**2. HIFA PETROL d.o.o. Sarajevo**, Hotonj bb, 71320 Vogošća, ID broj 4200999090005 koga zastupa Muhamed Vrabac, direktor (u daljem tekstu: Isporučilac),

### **Član 1.**

Predmet ovog okvirnog sporazuma je nabavka i sukcesivna isporuka goriva za službena motorna vozila za potrebe Naručioaca po uslovima iz tenderske dokumentacije broj SU-08-470-5/20 i po ponudi Isporučioaca broj JN-2302/20 od 19. juna 2020. godine.

### **Član 2.**

Ugovorena jedinična cijena goriva iz člana 1. ovog okvirnog sporazuma iznosi 1,42 KM bez PDV-a odnosno 1,66 KM sa PDV-om.

Okvirni sporazum se zaključuje sa procijenjenom vrijednosti u iznosu do 21.000,00 KM bez uključenog PDV-a, odnosno 24.570,00 KM sa uključenim PDV-om odnosno do procijenjene količine od 10.000 litara.

U skladu sa tenderskom dokumentacijom broj SU-08-470-5/20 utvrđuje se promjenjiva cijena, te će Naručilac prihvatiti promjene cijena ukoliko je na tržištu došlo do stvarne promjene cijena. Za svaku promjenu cijena Isporučilac je dužan dostaviti Obavijest o promjeni cijena (OPC) motornih benzina, dizel goriva i lož ulja – važeći na dan nabavke robe.

### **Član 3.**

Isporučilac se obavezuje da sukcesivno i kontinuirano isporučuje robu Naručioacu u traženim količinama i propisane kvalitete, a u skladu sa potrebama Naručioaca, na pumpnoj stanici Hifa d.o.o. Tešanj u Sarajevu, Put Mladih Muslimana bb, Općina Stari Grad i svim ostalim pumpnim stanicama navedenim u ponudi Isporučioaca iz člana 1. ovog okvirnog sporazuma.

### **Član 4.**

Ukoliko se Naručilac saglasi da Isporučilac dio svojih obaveza povjeri podugovaraču, Isporučilac će ostati i dalje jedini odgovoran za izvršenje okvirnog sporazuma u cjelosti. Saglasnost za podugovaranje ne oslobađa Isporučioaca od bilo koje njegove obaveze prema ovom okvirnom sporazumu.

Uslovi i cijene podugovora podliježu i u skladu su sa uslovima i cijenama iz ovog okvirnog sporazuma.

Propusti i greške podugovarača u realizaciji ugovorne obaveze, neće osloboditi obaveze i odgovornosti Isporučioca za njegove obaveze po ovom okvirnom sporazumu.

Ukoliko podugovarač vrši realizaciju svojih aktivnosti suprotno ovom okvirnom sporazumu, Naručilac može pismenim putem zahtjevati od Isporučioca da prekine podugovarački ugovor.

Angažovanje podugovarača i eventualan raskid podugovora ne može imati nikakvog uticaja na izmjenu cijene, rokova i drugih elemenata ovog okvirnog sporazuma.

#### **Član 5.**

Isporučilac se obavezuje da robu fakturiše jednom mjesečno, na osnovu otpremnih dokumenata (otpremnica i sl.) potvrđenih od strane Naručioca da je robu preuzeo.

Naručilac se obavezuje da će odmah, a najkasnije u roku od 30 dana po prijemu zbirne fakture i fiskalnih računa za prethodni mjesec i važećeg OPC obrasca (ukoliko je došlo do promjene cijena na tržištu) bez primjedbi, proslijediti fakturu na plaćanje Ministarstvu finansija i trezora BiH.

Isporučilac je saglasan da Naručiocu neće zaračunavati kamate za kašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

#### **Član 6.**

Ovaj okvirni sporazum zaključuje se na period od 1 godine odnosno na vremenski period do iznosa procjenjene vrijednosti ili procjenjene količine navedenih u članu 2. ovog okvirnog sporazuma.

Svaka od ugovornih strana može otkazati ovaj okvirni sporazum pismenim putem, uz otkazni rok od 30 (trideset) dana. Početak otkaznog roka počinje teći od prvog dana idućeg mjeseca u odnosu na mjesec u kome je okvirni sporazum otkazan.

#### **Član 7.**

Na odnose između ugovornih strana koji nisu uređeni ovim okvirnim sporazumom primjenjuju se odredbe Zakona o obligacionim odnosima u BiH.

#### **Član 8.**

Sve eventualne sporove nastale pri realizaciji ovog okvirnog sporazuma ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.


#### **Član 9.**

Ovaj okvirni sporazum stupa na snagu danom potpisivanja od strane ovlaštenih lica ugovornih strana.

**Član 10.**

Ovaj okvirni sporazum je sačinjen u 4 (četiri) istovjetna primjerka, od kojih obje ugovorne strane zadržavaju po 2 (dva) primjerka.

**Za Isporučioca:**




Muhamed Vrabac  
Direktor

Broj: 1778/20

28. 7. 2020.

**Za Naručioca:**



Zlatko M. Knežević  
Predsjednik Ustavnog suda BiH

Broj: SU-08-470-12/20

Sarajevo, 21. juli 2020. godine